

# Et Kackleed

---

G

Loss m'r ens e Leedche vum Kacke singe  
kacke es e herrlich Dinge  
kacke es en jroße Nut  
denn wenn de nit mieh kacke kanns  
dann bes de dut.

Kacke müsse och de Nonne  
Buure kacken en de Tonne  
die Knächte un die Mägde  
die kacken en d'r Stall  
Kinder dat sin Pute, die kacken üvverall.

Op nem Scheff deit mer en et Wasser drieße  
beim Spazierjang kackste en de Wiese  
wä he bei uns em Städtche wunnt  
rä kack en d'r Kanal  
un wä et richtich ielich hät  
rä kack he en d'r Saal.

Wä vill friss muß och vill kacke  
wä nit oppass kack sich opd e Hacke  
wä jän decke Öllich iss  
rä kack met vill Jestank  
un wä de "flöcke Otto" hät  
kack sich die Beincher lang.

Su könnte mir noch lang vum Kacke singe  
denn et es e herrlich Dinge  
dröm rode mir üch all  
dot drieße weich un rund  
wä immer richtich kacke kann  
rä bliev jesund.